

Ἡῤε mβε ayi
 Jøn
 ásamé

Mekomejǵó ayi achyεge γεῤῥά

¹ Ἡῤε yina átome ne genó fǵ eyi γεḃǵ gelú με τε nyá gemεge nnó Εσωῶ akwyéé mme yina. Εsé déwú γεji, déγε γεji ne amε, déchere γεji, ne déta γεji ne amu sé. Genó eyigémḃǵ elé mekomejǵó ayi achyεgé γεῤῥά. Ji ne εsé désame eta nyú. ² Εσωῶ apye ji ayi alu γεῤῥά abwólé mekwaá, εsé déγε ji ne amε. Ne dégarεge abyα ayi atome ne ji ayi achyεge γεῤῥά eyi gélagé byé. Ji abǵ alu ne Nte ne nana délé déγε ji. ³ Ji ayi εsé déγεne ne déwuú ntó unó bi ji ajǵ ne dégarεge enyú nnó enyú ntó décho mbwa ne εsé dépyεge unó chóncho. Deké dépyεmḃǵ déchome mbwa ne Nte ne Maá wuú Jisǵs Kras. ⁴ Εsé désame enyú unó bina nnó εsé ako δεβε ne γεjaméagé nechóchó eninéjame nepwǵó amu.

Εσωῶ alu γεῤῥḃǵ

⁵ Γε abyα ayi εsé dewuú eta wuú ne dégarεge enyú, nnó Εσωῶ alú γεῤῥḃǵ, gemua γεḃǵ ne ji cháchá. ⁶ Mḃǵé εsé déjǵgé nnó décho mbwa ne ji, ne déké dépyε wyε depǵ eké bǵǵ abi álu né mmu gemua ebyennó debyǵge gebyǵ. Ne dekwǵlege fǵ genó eyi gelú wáwálé. ⁷ Yémḃǵ mḃǵé εsé déké dépyε depǵ eké bǵǵ abi álu né γεῤῥḃǵ, wyε ndre Εσωῶ alú, ebyennó εsé décho mbwa ne ate ne manoó Maá wuú Jisǵs mashwǵnege εsé né yéndé gabo ayi dépyεé.

⁸ Mḃǵé εsé déjǵgé nnó gabo ápó εsé mmye, débwlége elé gemεge sé, ne wáwálé Εσωῶ ápó εsé ne metǵó. ⁹ Yémḃǵ mḃǵé εsé deshuge eku mbaá Εσωῶ, né gabo ayi

depyeé ji apye genó eyi gelú chó ne dekage líí mmye ne ji nnó ji ajigé nye nte gabo ayi esé dépyeé, ashwone esé né yéndegenó eyi dépyeé eyi gela gepó cho né mbe ushu wuí.
¹⁰ Ne mbəgé esé déjoge nnó dépye fə gabo wó, ebyennó déké Esəwə alu muú gebyə. Ne mekomejó wuí ápó esé né matəó.

2

Kras alu muú geŋga sé

¹ Baá ba abi gejeé, me nsame unó bina eta nyú nnó ékágé enyú dépye gabo. Yémbə mbəgé muú apyegé gabo, ese déwyaá muú geŋga ayi agame esé né mbe ushu nte se Esəwə. Muú yimbə elé Jisəs Kras muú alu cho né mbe ushu Esəwə. ² Elé Kras jimbəó ne Esəwə asele ndere ŋme gepə nnó ajinte gabo sé. Yémbə epófó gabo awe sé jiji. Elu ntó gétúgé gabo bəó mme meko.

³ Mbəge esé déké depyeé genó eyigé Esəwə ajóó, ewémbə ne elerége nnó dékaá ji wáwálé. ⁴ Muú ayi ajógé nnó ji ákaá Esəwə ne álá apyeé fə yéndegenó eyigé Esəwə ajóó alu muú gebyə ne wáwálé ápó ji né metəó. ⁵ Yémbə, mbəgé muú aké abelege mekomejóó Esəwə, ebyennó gejeé eyigé ji abəó gekwané ndere Esəwə akélege. Ge genó eyi gepye ne esé dékaá nnó décho mmye ne Esəwə mbə. ⁶ Muu ayi ajógé nnó ji acho mmye ne Esəwə abə mankwəle ntó gekagé nekene Jisəs.

Gekwenege ebe ebwólé ebe meke

⁷ Ajeé ba abi gejeé, Ebe ewé me nsame mbə eta nyú na, epófó ebe ewe meke. Elé gekwenege ebe ewé enyú déwuú me te gébé eyigé enyú défyéé metəó ne Jisəs. Ne gekwenege ebe ewémbə elé mekomejóó ayi enyú débəó me mbe déwuú. ⁸ Yémbə mmage chyéé enyú ebe ewéna eké ewé meke. Geŋwage Kras ne eyigé nyú ntó geléré wáwálé

genó eyigé ebe ewéna elú, néndé gemua gélégé bye ne geɲgbɔ eyigé wáwálé gégéné me.

⁹ Muú ayi ajógé nnó ji alu né geɲgbɔ ne aké apaá nte meɲme wuú alu né mmu gemua eyi ji abɔ alú wye.

¹⁰ Mbɔgé muú aké abɔ́ gejeé ne nte meɲme wuú alu né geɲgbɔ. Ne ye genó gepɔ né geɲwá jíí eyi gekágé te ji apye gabo. ¹¹ Yémbɔ muú ayi apaá nte meɲme wuú alu eké muu ayi alu né mmu gemua, akene né mmu gemua. Ji akágé fɔ́ mbaá ayi ji ajyέ néndé gemua gegilé ji amε.

*Dé*ɔ́gé fɔ́ gejeé ne unó mme

¹² Baá ba abi gejeé, me nsame enyú unó bina neéndé Eɔwɔ́ ajíí me nte gabo nyú gétúgé genó eyi Kras apyέ.

¹³ Ákprakpa ba, me nsame enyú unó bina, néndé enyú dekaá ji ayi abɔ alu mé te nyá gемеge nno akwye yende genó. Njye usa, me nsame ntó enyú unó bina néndé enyu démmye dépwɔ́ mfwa aló nchye. ¹⁴ Baá ba abi gejeé, nsame enyú unó bina néndé enyú dékaá ji ayi alu Nte. Ante ba me nsamé unó bina eta nyú néndé enyú dékaá ji ayi abɔ alú me te nyá gемеge nnó akwye yéndégenó. Njye usa, nsame enyú unó bina néndé enyú détoó né dépwɔ́ Eɔwɔ́, ne mekomejɔ́ Eɔwɔ́ alu né mmu matɔ́ enyú. Ne démmye dépwɔ́ ntó mfwa aló nchye.

¹⁵ Ndere elúmbɔ, ekágé enyú debo gejeé ne gépwage mme yina, ye ebe lé unó mme déɔ́ge fɔ́ gejeé ne ubi. Mbɔgé muú abɔ́ge gejeé ne gepwage mme yina, ebyennó ji abɔ́ fɔ́ gejeé ne Nte wɔ́, ¹⁶ nénde yéndégenó eyi gelu fa mme ndere unó bi menyammye mekwaa ákelege, ebi bɔ́ afye amε wye ne ákelege nnó abɔ́, ne ebi upyέ bɔ́ ábwege mmye gétúgé ubi, unó bina uko útánégé fɔ́ mbaá Nte sé Eɔwɔ́, útánege lé fa mme. ¹⁷ Mme yina abyέ. Yéndé genó jíí eyi bɔ́ afye amε wye mambɔ gebye ntó,

yémbɔ yéndémuú ayi apye genó eyigé Ɛsɔwɔ akelege abe te kwyakwya.

Muú ayi atené ukɔlɔ ne Kras achwó me

¹⁸ Baá ba abi gejee, gébé eyigé mmena ábyeé gela kwókwólé. Tege nnó ábó me mbe ágaré enyú nnó muú ayi atené ukɔlɔ ne Kras achwó nye. Ne bɔ́ɔ́ abi álú eké ji áchwó me gejame. Ndere elúmbɔ, esé dékaá nnó gébé eyigé mme ábyeé gela kwókwólé. ¹⁹ Bɔ́ɔ́ bimɔ́ áfa mbwa ne esé. Ebwó ápó fɔ́ bɔ́ɔ́ se. Mbɔ́gɛ́ ebwó abe bɔ́ɔ́ sé wáwálé, mbɔ́ alu mbwa ama ne esé. Manlyaá ayi ebwó ályaá esé álere nnó ebwó ápó fɔ́ bɔ́ɔ́ esé.

²⁰ Yémbɔ enyú dépɔ́ fɔ́ nkane ebwó, néndé Kras muú ukpea afané enyú Mendoó Ukpea né mmye ne enyú ako dékaá genó eyi gelú wáwálé. ²¹ Ula bi me nsame enyú unó bina, epófɔ́ nnó enyú dékagé fɔ́ genó eyi gelú wáwálé. Me nsame enyú unó bina gétúgɛ́ enyú dékaá geji. Ne dékaá ntó nnó yéndégenó eyi gelú gebyɔ́ gétange fɔ́ né eyi gelú wáwálé.

²² Né mechɔ́ ewéna, ndemuú alu muú gebyɔ́? Elé muú ayi ashyaá nnó Jisɔs apó fɔ́ Muú yi Ɛsɔwɔ akweré ji elá gefwa. Gefɔ́gɛ́ muú yina ne alu muú ayi atené ukɔlɔ ne Kras. Ji ne ashyaá Nte ne Maá wuu. ²³ Néndé yéndémuú ayi ashyaá Maá Ɛsɔwɔ ebyennó ákágɛ́ fɔ́ Nte wuu. Muú ayi akamege nnó Jisɔs alú Maá Ɛsɔwɔ ebyennó akage Nte wuu.

²⁴ Ndere elúmbɔ, gɔ́gɛ́ unó bi enyú déwuú té ula ulɔ́ ube né matɔ́ nyu. Mbɔ́gɛ́ unó bi enyu dewuú te ula ulɔ́ ubege enyú né metɔ́, décho wye mmye ne Maá ne Nte wuu ntó. ²⁵ Ne genó eyigé ji anyémeno nnó achyege esé, genó eyigémbɔ́ elé geɲwá eyi gélagé byé.

²⁶ Me nsame unó bina eta nyú ntome ne bɔ́ɔ́ abi ábwólege enyú nnó délyaá genó eyi gelú wáwálé. ²⁷ Kágɛ́ nnó Mendoó Ukpea ewé Kras afané enyú né mmye elú me

ne enyú, enyú deboó sé mankele muú ayi cha nnó alerege enyú wó néndé mendoó wuú ewémbò elerege me enyú yéndégenó. Ne unó bi ewú elerege enyu úlú wáwálé gebyo gepó wyéé. Ndere ewú elerege enyú choge wye mmye ne Kras. ²⁸Baá gejeé ba, choge wye mmye ne Ji. Dépyege mbò, esé ako débéé fó ne efó metóó ne mekpo unóó egbarege fó esé deja mmye meso né bií ebi ji akerege meso. ²⁹Te mbaa dékaá nnó Jisòs alú cho né mbe ushu Èsòwò, dékage kaá ntó nnó yéndémuú ayi apye genó eyi gelú cho ala Maá Èsòwò.

3

Èsé delú baá Èsòwò

¹ Peye yé gejamégé gejeé eyigé Nte sé Èsòwò abóó ne ese. Getuge gejee eyige na, ji akuú esé nnó baá bií. Mbò ne esé delú ntó. Ula bi bóó mme alá akaá fó nnó esé delú baá Èsòwò, úlú nnó ebwó ákágé fó ji. ² Anme ba abi gejee esé delú nana baá Èsòwò. Ne genó eyi debò mankaá gelú nnó Èsòwò alu danpye esé dekaá ndere débéé nye meso gébé. Yémbò dekaá nnó gébégé Kras akerege fa mme esé débéé nye wye eké ji, néndé dégene nye ndere ji alu. ³ Yéndémuú ayi ánerere metóó nnó ji abéé nye eké Kras, abò mambelege gerwá jí pópó ndere eyigé Kras gelu.

⁴ Yéndémuú ayi apyéé gabo akwene mbò lé ebe Èsòwò néndé gabo mampyege elé mankwene mabe Èsòwò. ⁵ Enyú dékaá nnó Kras achwò fa mme nnó afere esé gabo né mmye. Ne yé gabo fó apó ji mmye chá chá. ⁶ Ndere elúmbò, yéndémuú ayi áchomé mmye ne Kras amage pye sé gabo. Ne yéndémuú ayi apyee wye gabo, alu danje yé Kras, ne ákaá fó yé ji wó.

⁷ Baá gejeé ba, dékamege fó muú fó abwólé enyú. Yéndémuú ayi apye wye genó eyi gelu cho alu cho né mbe ushu Èsòwò, wye ndere Kras alu cho né mbe ushu

wuú. ⁸ Yémbò yéndémuú ayi apye wye gabo pyeé, alu muú danchòmeló néndé danchòmeló ne alóó ula mampye gabo. Gétú eyigémbò ne Maá Èsòwò achwòó fa mme nnó áchò utòó danchòmeló.

⁹ Yéndémuú ayi alaá maá Èsòwò apyeé sé wye gabo pye, nénde ji awyaá gepògé Èsòwò. Ji akágé pye sé gabo néndé, ji alaá maá Èsòwò. ¹⁰ Genó eyi gelerege bòó abi alu baá Èsòwò ne abi alu baá danchòmeló gelú nnó, bòó abi alá apye fò genó eyi gelu cho né mbe ushu Èsòwò yé ebe elé gejeé alá abòó fò ne ate aḡme, ápó fò baá Èsòwò.

Mekomejòó Èsòwò aké débògé gejeé ne ate

¹¹ Mekomejòó ayi enyú déwuú me te ula ulóó alu nnó esé débògé gejeé ne ate. ¹² Èkágé esé debe eké Ken. Ji alu maá danchòmeló. Ji awá meḡmo wuú. Ulannó ji awáne meḡmo wuú? Awá ji néndé unó bi Ken jimboó apye úlú nchyenche ne ebi meḡme wuú apyeé úlú cho.

¹³ Baá gejeé ba, èkágé enyú dela mano mekpò fuú mbògé bòó mme aké apaá enyú. ¹⁴ Èsé dékaá nnó détane né amu negbo dékpe né mmu gerwá. Dékaá mbò néndé esé debo gejeé ne ate aḡme. Muú ayi alá abòó fò gejeé ne nte meḡme wó alu né amu negbo. ¹⁵ Muú aké apaá nte meḡme wuú, ebyennó alu mewané bòó. Ne dékaá nnó muú ayi awané bòó alú dambò gerwá eyi gélágé byé. ¹⁶ Genó eyi gepye esé dékágé genó eyi gejeé gelú, gelu nnó Kras achye gerwá jíí agbo gétúgé se. Ne mbòntó ne esé débòó manchyeé gerwáge sé, yé ebe lé mangbo gétúgé ate aḡme. ¹⁷ Ne mbògé muú abegé ne gefwa ne agegé nte meḡme ayi alu mbya, alá agé meshwe apóó ji wó, epyembò nnó ne ji agaré aké ji agboó ne Èsòwò? ¹⁸ Baá gejeé ba, èkágé déjògé lé mejòó meno ewú ewú nnó debo gejeé ne ate. Délérégé gejeé eyi wáwálé ne ate né mbaá unó bi dépyeé.

¹⁹ Deké debɔ́ gejeé ne atɛ, mbo ne dékágé nnó détené né egbe ewé wáwálé. Ne ewéna epye matɔ́ abeé esé mmu pere gébégé détenege né mbe ushu Ɛsɔwɔ, ²⁰ yéndégébe eyí matɔ́ sé ágarege nnó dépye gye, néndé débɔ mankaá nnó Ɛsɔwɔ aɲea apwɔ yéndégenó eyi matɔ́ ágarege esé ne ji akágé yéndégenó. ²¹ Ajeé ba abi gejeé, ndere elúmbɔ mbɔgé matɔ́ sé alá agaré esé nnó dépye gye wɔ, débéé fɔ ne efɔ metɔ́ mantene né mbe ushu Ɛsɔwɔ. ²² Ne dékágé gii yéndégenó ji achyɛge esé néndé esé débelege mabe jii ne dépye ntó unó bi ugɔ́ ji metɔ́. ²³ Ne ebe ewé ji achyɛé esé elú nnó défyéé metɔ́ ne maá wuú Jisɔs Kras ne nnó debɔ gejeé ne atɛ wye ndere ji agare esé nnó dépyege. ²⁴ Bɔ́ ako abi abelege mabe Ɛsɔwɔ, áchomé wye mmye ne ji ne ji ntó achome mmye ne ebwɔ́. Genó eyi gepye nnó esé dékaá nnó ji acho mmye ne esé elé Mendoó wuú ewé ji afyɛé esé né mmu metɔ́.

4

Mendoó ewé wáwálé ne ewé gebyɔ

¹ Ajeé ba abi gejeé, ékágé dékamege ne yéndégenó eyigé muú ajógé. Muú ajógé genó, cherege dége mbɔgé mendoó ewé etene ji nnó ajɔ́ etané mbaá Ɛsɔwɔ, néndé gejamégé bɔ́ ekpávɛ gebyɔ achwɔ́ ne atyaá né mme meko. ² Genó eyi gepye ne dékaá mbɔgé elé Mendoó Ɛsɔwɔ ne elú muú né mmye gelú nnó, yéndémuú ayi agarege nnó Jisɔs Kras achwɔ́ fa mme ndere mekwaá ji yimbɔ ne Mendoó Ukpea elú ji mmye. ³ Ne yéndémuú ayi alá agarege fɔ́ nnó Jisɔs achwɔ́ fa mme ndere mekwaá Mendoó Ɛsɔwɔ epɔ́fɔ́ ji né mmye. Ji yina ne awyaá mendoó muú ayi atené ukɔ́lɔ ne Kras ayi enyú debɔ dewuú nnó achwɔ́. Ne nana alu me fa mme.

⁴ Baá gejeé ba, enyú delu baá Ɛsɔwɔ ne detoó dépwɔ́ bɔ́ gebyɔ bimbɔ néndé muú ayi alu enyú né mmye awyaá uto

apwɔ muú ayi alu bɔ́ mme né mmye. ⁵ Bɔ́ gebyɔ bimɔ alu ele bɔ́ mme. Nɔ́ere elúmɔ, ebwɔ ájógé lé dépóré mme ne bɔ́ mme áwuú ne ebwɔ. ⁶ Esé delu bɔ́ Esɔwɔ, ne yéndémuú ayi ákágé Esɔwɔ áwuú ne esé. Ne muú ayi ála apó fɔ́ muú Esɔwɔ áwuú fɔ́ ne esé. Ge mbɔ ne dékágé nye mbɔgé muú awyaá mendoó ewé wáwálé waá nnó awyaá lé mendoó ewé gebyɔ.

Esɔwɔ elé gejeé ne yéndémuú Esɔwɔ abɔ́ gejeé ne bɔ́ ⁷ Ajeé ba abi gejeé, débɔge wye gejeé ne ate néndé gejeé getanege né mbaá Esɔwɔ. Ne yéndémuú ayi abɔ́ gejeé ne bɔ́ alu Maá Esɔwɔ ne akáge Esɔwɔ. ⁸ Ne muú ayi álá abɔ́ fɔ́ gejeé ne bɔ́ ákágé fɔ́ Esɔwɔ, nendé Esɔwɔ elé gejeé. ⁹ Ge na ne Esɔwɔ aléré nnó ji abɔ gejeé ne esé. Ji ato danchi maá wuú fa mme nnó getu jí, esé debɔ gerɔwá. ¹⁰ Ge genó eyi gejeé gelu mbɔ. Epófɔ́ nnó esé debɔ́ gejeé ne Esɔwɔ. Elú elé nnó ji abɔ́ gejeé ne esé ne atome maá wuú nnó achwɔ agbo ndere ɲme gepe nnó ji ajinte gabo ayi esé dépye.

¹¹ Aɲme ba abi gejeé, mbɔgé nnó na ne Esɔwɔ abɔ́ gejeé ne esé, esé ntó debɔ́ mambɔ gejeé ne ate. ¹² Muú fɔ́ alu dange Esɔwɔ ne ame, yémɔ mbɔgé debɔ́gé gejeé ne ate, Esɔwɔ achome mmye ne esé, ne gejeé eyigé esé débɔ́ ne ate gekwanege ndere Esɔwɔ akelege.

¹³ Esɔwɔ achyéé esé Mendoó wuú, ge mbɔ ne dékágé nnó esé décho mmye ne ji ne ji ntó acho mmye ne esé, néndé ji achyéé esé Mendoó wuú. ¹⁴ Ne esé ambɔ́ dége ne dégarage bɔ́ nnó Nte se Esɔwɔ ato Maá wuú fa mme nnó achwɔ ábeé Menchyé gerɔwá mbaá bɔ́ mme. ¹⁵ Ne yéndémuú ayi akamege nnó Jisɔs alu Maá Esɔwɔ, Esɔwɔ achome mmye ne ji ne ji ntó achome mmye ne Esɔwɔ. ¹⁶ Nɔ́ere elúmɔ, esé ntó dékaá ne dékámé nnó Esɔwɔ abɔ gejeé ne esé.

Esɔwɔ abɔ́ gejeé ne bɔ́, ne yéndémuú ayi abɔ́ wye gejeé achome mmye ne Esɔwɔ ne Esɔwɔ ntó achome

mmye ne ji. ¹⁷ Genó eyi gepye esé dékaá nnó gejeé eyi débóó gekwané ndere Esɔwɔ akelage, elé mbɔgé esé débéeé fɔ ne efo metɔ́ó né bií bi Esɔwɔ asɔ́ó mpa néndé geɲwáge sé fa mme gelú wye eké eyigé Kras. ¹⁸ Efo epó né gejeé, gejeé gekwɔnégé ndere Esɔwɔ akelage gebuú efo. Geno eyi gepyeé efo elé efwyale. Ne yéndémuú ayi abɔ́ó efo metɔ́ó ebyennó gejeé eyigé ji abɔ́ó gelu gakwáne ndere Esɔwɔ akélégé.

¹⁹ Esé debɔ́ó gejeé ne Esɔwɔ ne ate aɲme néndé Esɔwɔ abɔ́ó me mbe abó gejeé ne esé. ²⁰ Mbɔgé muú ajɔgé nnó ji abɔ́ó gejeé ne Esɔwɔ ne ake alu paá nte meɲme wuú ebyennó alu muú gebyɔ́ó néndé muú alá abɔ́ó fɔ́ gejeé ne nte meɲme wuú ayi ji agene ne amɛ, epyémbɔ́ó nnó ne ji abɔ́ó gejeé ne Esɔwɔ muú ji álé gené? ²¹ Ne achyeé esé ebe ewena aké: Yéndémuú ayi abɔ́ó gejeé ne Esɔwɔ abɔ́ó mambɔ́ó ntó gejeé ne ate aɲme.

5

Esé dewyaá uto ebi démmye depwɔ́o gabo fa mme

¹ Yéndémuú ayi ákámege nnó Jisɔs alu Muú yi Esɔwɔ akweré ji elá gefwa, ebyennó alu Maá Esɔwɔ. Ne yéndémuú ayi abɔ́ó gejeé ne nte abɔ́ó ntó gejeé ne maá wuú. ² Genó eyi gepyeé ne esé dékaá nnó débóó gejeé ne baá Esɔwɔ elé mbɔgé debɔ́ó gejeé ne Esɔwɔ ne debélégé mabe jíí. ³ Mambɔ́o gejeé ne Esɔwɔ elé mambélégé mabe jíí. Ne mabé jíí ájwerégé fɔ́ mambelé. ⁴ Néndé yéndémuú ayi alaá maá Esɔwɔ awyaá uto bi ji ammye apwɔ́o gabo fa mme. Ne mankame ayi esé dékame nnó Jisɔs alu Maá Esɔwɔ ne epye nnó esé debɔ́o uto bi démmye depwɔ́o bɔ́o mme. ⁵ Nde muú ayi apwɔ́o gabo fa mme? Elé muú ayi ákamé nnó Jisɔs alu Maá Esɔwɔ.

Unó bi ulérége nnó Jisɔs alu Maá Esɔwɔ

⁶ Elé ji yina ne alú Jisɔs Kras, Muú yi Ɛsɔwɔ akweré ji elá gefwa. Ji achwɔ́ fa mme, awyaá ji manaá ne manoó mií machyɛ mme gébégé ji agboó. Ji akoó fɔ́ elé né mmu manaá mamímamí wó, akoó né mmu manaá choncho ne manoó. Ne elé Mendoó Ukpea ne ɛtɛne ntɛsɛ sɛ nnó mecho ɛwéna elu wáwálé néndé Mendoó Ukpea egarege wáwálé. ⁷ Bɔ́ ntɛsɛ alu aléé abi alerégé nnó Jisɔs alu Maá Ɛsɔwɔ. ⁸ Bɔ́ ntɛsɛ bina elé Mendoó Ukpea, manaa ne manoó. Ɛbwó bina aléé, ajógé wyɛ genó gemma. ⁹ Akwaá agáré unó bi ɛbwó akaá, esé dekámegegé nnó ajógé wáwálé. Yémbɔ́ genó eyigé Ɛsɔwɔ agárégé geɲɛá geme gepwɔ́ amu. Ne ji ne agáré esé genó eyi getome ne Maá wuú. ¹⁰ Yéndémuú ayi áfyɛé metɔ́ ne Maá Ɛsɔwɔ akáge né metɔ́ wuú nnó genó eyigé Ɛsɔwɔ agarege atome ne maá wuú gelú wáwálé. Yéndémuú ayi álá fyɛé fɔ́ metɔ́ ne Ɛsɔwɔ wó, ɛbyennó asele Ɛsɔwɔ nderé muú gebyɔ́, néndé ashyá mankame nnó genó eyigé Ɛsɔwɔ ajɔ́ atome ne Maá wuú Jisɔs gelú wáwálé. ¹¹ Ge genó eyigé Ɛsɔwɔ agáré ese na: Ji chyɛé esé geɲwá eyi gélagé byé. Geɲwá eyigé na getanégé mbaá Maá wuú. ¹² Ne yéndémuú ayi áchómé mmyɛ ne Maá Ɛsɔwɔ awyaá geɲwá. Yéndémuú ayi alá cho mmyɛ ne Maá Ɛsɔwɔ wó, apó fɔ́ ne geɲwá.

Geɲwá eyi gélagé byé

¹³ Nsame enyú unó bina, enyú abi dékamé nnó Jisɔs alú Maá Ɛsɔwɔ nnó enyú dékaá nnó déwyaá geɲwá eyi gélagé byé. ¹⁴ Esé deténégé né mbe ushu Ɛsɔwɔ né mmyɛmenene debéé fɔ́ ne dembyɔ́ néndé dékaá nnó yéndé genó eyi esé degígé ji awuú esé mbógé degigé ndere ji akélégé. ¹⁵ Mbógé esé dekaá nnó ji awuu esé né geno eyi degígé ji, debɔ́ mankaá ntó nnó ji achyɛ me esé genó eyi degígé ji.

¹⁶ Mbógé muú akage nnó nte menɲme apyɛé gabo ayi ála atene fɔ́ muú né negbo, anemmyɛ nnó Ɛsɔwɔ ajií ji nte achyɛɛ ji geɲwá. Ɛwéna ɛtome elé ne bɔ́ abi apyɛ

gabo ayi álá atene fɔ muú né negbo néndé gabo yifɔ alu ayi atene muu né negbo. Njɔ́ fɔ nnó enyú dénémmye mbaá Ɛsɔwɔ gétúgέ muú ayi apyεέ gefɔ́gέ gabo yina wó. *

¹⁷ Yendé gyeέ ayi muú apye elé gabo né mbe ushu Ɛsɔwɔ. Yémbɔ gabo ayifɔ alu ayi álá aténé fɔ muú né negbo.

¹⁸ Ɛsé dekaá nnó yéndémuú ayi alaá Maá Ɛsɔwɔ apyεε sé gabo pye néndé Jisɔs Maá Ɛsɔwɔ abame ji ne danchɔmeló ákágé pye fɔ́ ji genó.

¹⁹ Dékaá nnó Ɛsé delu baá Ɛsɔwɔ. Bɔ́ mme ako abi álá akage Ɛsɔwɔ alu né amu muú nchye.

²⁰ Ese dekaá yé nnó Maá Ɛsɔwɔ achwó fa mme ne apye nnó Ɛsé dekaá unó bina ne nnó dekaá Ɛsɔwɔ muú alu wáwálé. Ɛsé decho mmye ne Ɛsɔwɔ muú alu wáwálé ne Maá wuú Jisɔs Kras. Ji ne alu Ɛsɔwɔ muú alu wáwálé. Ji ntó ne achyege gerwá eyi gelagé bye fɔ́.

²¹ Nderé elúmbɔ, baá gejeé ba, ngárégé enyú nnó sege gébé nnó ekágé denógé aló uka.

* 5:16 Elú wáwálé nnó: Bɔ́ abi ágíí depɔré Ɛsɔwɔ dɔ́ áké, gabo ayi atene muú né negbo elé manshya ayi gejamégé bɔ́ áshyaá mankame nnó Jisɔs alu Maá Ɛsɔwɔ.

Ἡμε menomenyεé meké
New Testament in Denya (CM:anv:Denya)

copyright © 2010 Wycliffe Bible Translators, Inc.

Language: Denya

Translation by: Wycliffe Bible Translators, Inc.

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Denya

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22
